

A uore, aut putredine consistunt, obsunt longi, frequentesq; somni. Breuibus quoq; somnis contentos esse oportet, quos ex capitis vicio vexat comitialis morbus, aut capitis grauitas, aut vertigo, aut surditas, vel aurium tinnitus: quod si haec mala ex stomacho originem habeant, non continui, & longi, aut profundi sed plus vel minus, pro partium affectarum ratione, breues, & per certa interualla, interrupti, & leues somni adhibendi: quoniam & capiti, & stomacho, caloris actione, & opera prospicere necesse est. Illud quoque recte dicitur somnum nimium uel breuem, uel longum corpus extenuare: nam qui longior est, internum humorē vehementius depascitur: qui uero breuior est, non sat concocuit humores, quantum est necessarium ad alimoniam, & incrementum: ac immoderatē ob longiorem vigiliam corpus dissoluitur: utroque ergo modo contingit corpus extenuari. Habent & suos usus somni quieti, & tranquilli in his, qui uniuersam caloris vim requirunt in visceribus: nec utilitate quidē carent turbulenti, insomnijsq; pleni. Nam quibus commodius est leniter dormire, & calor rem ipsum versari circa caput, eorum malis medicinam præbent huiusmodi somni, quandoquidem insomnia quæ exercentur in cerebro, nequeunt sine calore consistere, quo interim, malis illic affligenibus, succurritur. A prandio somnum obesse uniuersis vulgo creditur, & à medicis quoque traditum est, eo enim caput repleri, & grauari, fluxiones ad subiectas partes moueri, concoctionem ventriculi labefactari, stupidos reddi sensus aiunt, propterea longis diebus (inquit Celsus) meditari potius ante cibum, sin minus post cum. Negare certe non possumus, eum obesse præsentim non consuetis dormire, aut paulo longiorem somnum trahentibus, aut cubantibus. Illud quoque obseruatum est huiusmodi somnum magis obesse àestate quam hyeme, & in locis calidis, & humidis, quam in alijs. Vnde Romæ àestate dormire à prandio pernitiosum sibi multi sentiunt, verum perinde facile non est causas istorum reddere. An ideo obest somnus à prandio, quod concoctione in uentriculo fit, calorem ad se reuocet, quem aer eo tempore ad externas partes cominouerit, adeo ut ex hac pugna distractus calor moueat alimentum, sed concoquere nequeat: Hanc enim causam est, id docet quod àestate magis quam hyeme, & in locis calidis, & humidis, magis quam in alijs, à prandio obfit somnus, eo enim tempore, & in illis locis, calor externus maiorem vim habet alliciendi calorem ad externa membra, & cum eo attollendi plurimos vapores, quibus caput repletur, granaturque. Porro breuissimus somnus à prandio minus nocet, quod calorem solū colligat ab externis partibus, reuocetq; ad concoctionem alimenti obcundam, ubi cum minimo temporis momento moretur, nequit vaporibus caput replere, & interim uires recreat, prohibetq; maiore fieri euaporationem, & si que erat in capite, & sensibus grauitas euanscit, recurrente enim calore ad viscera intima, simul necesse est uires recreari, & introcedere humores, qui grauitatem stupiditatemque afferebant. Quod si paulo longior somnus extiterit, uires quidem reparat contractionē caloris, sed multa euaporatione, capiti, & sensibus obest. At si protrahatur somnus meridianus, donec concoctione in uentriculo plane sit absoluta, minus quoque noet, quod docent ebrij, qui huiusmodi somno, omnem grauitatē discutiunt: sed interim alia ratione obest, quod nocturnum somnum, quem natura expedit, impedit, trahatque corpus in malam consuetudinem. Dormendum ergo à prandio, si nequit somnus euitari, minimum, aut plurimum, ut solum colligatur calor, & uires recreentur, ex negotiis, & uigilia dissipatae, aut perficiatur concoctione, aliis uero qui eam inchoat, nec absoluit, illa parit incommoda, quæ meridiano somno tribuuntur. Quod uero sedente corpore captatus huiusmodi somnus minus nocet, quam decumbente, causa videtur esse, quod facilior præbeatur exitus vaporis ascendentis, erecto corpore, quam incerte. Hæc ergo ratio docet dicenda esse de somno qui à prandio initur, spectandum tamen est in singulis id quod iam fecit cōsuetudo, nam quæ vsu longo inualuerunt, etiam si non uidentur respondere corpori, tamen non nocent, aut etiam proficiunt. Non solum verò nocturnus, sed etiam quilibet aliis somnus, qui protinus à cibo inuadit, obest: quoniam si ab eo petitur auxilium ad concoctionem alimenti, quæ in uentriculo perficitur, necesse est illud prius misceri, descendereque in locum, ubi concoctione potissimum celebratur, id quod aliquam moram, & motionem postulat. Ceterum eos expedit in molli lecto dormire, qui frigidore, siccio, gracilioreque sunt habitu, contra uero in duro, qui contrario modo sunt affecti, ita enim temperantur naturæ excessus. Porro captardus somnus est, mane erecto corpore, aut elevato capite, ut prodeesse agnoscatur, aut obesse, ob mala quæ inferiores partes, aut superiores infestant. Nihil enim perpetuum tradi potest in tanta morborum varietate, qui sibi propriam ex somno, aut ex alijs rebus medicinam postulant. Atque hoc quidem de somni facultate. At uigilia ab initio calefacit, quoniam uigilando, animalia agunt, & mouentur, qua ratione pariter siccatur, nam caloris est exsiccare, & per uigiliam in acetem ambientem humores contentos in corpore digerere: quod si longius protracta vigilia, iam deficiente humore, sine quo nequit calor exuperare, necesse est corpus refrigerari, & exsiccati, concoctionem uero iutare potest vigilia, ubi superfluus humor illam impedit, quæ quidem ratione crassa, & humida corpora, non paruum auxilium capiunt ad concoctionem ex uigilia. Ceterum nisi præcesserit somnus, qui concoxit alimentum in uentriculo, labefactatur appetentia ex vigilia, siquidem oportet præcedere prioris alimenti concoctionem.

Ioannis Argent. de Somno & Vigilia.

D 3 nem,